



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2206/10  
Sarajevo, 19.8.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

|                        |                       |            |              |
|------------------------|-----------------------|------------|--------------|
| PRIMLJENO: 19-08-2010  |                       |            |              |
| Organizaciona jedinica | Klasifikaciona oznaka | Redni broj | Broj priloga |
| 01-50-1-16-48/10       |                       |            |              |

**PARLAMENTARNA SKUPŠTINA BiH**

*- Dom naroda-*

**SARAJEVO**

**PREDMET:** Odgovor na izaslaničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na izaslaničko pitanje koje je postavio gosp. Slobodan Saraba, izaslanik u Domu naroda Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite izaslaniku.

S poštovanjem,

**GENERALNI TAJNIK**  
*Zvonimir Kuleša*



**BOSNA I HERCEGOVINA  
VIJEĆE MINISTARA**

Broj: 05-50-1-2206/10  
Sarajevo, 19.8.2010. godine

Slobodan Šaraba, delegat u Domu naroda Parlamentarne skupštine Bosne i Hercegovine, na 48.sjednici održanoj 13.jula 2010.godine, postavio je sledeće delegatsko pitanje:

*"U periodu od 8.do12.mjeseca 2008.godine 506 minobacača kalibra 82mm i to 24.8, 30.9, 2.10, 24.10. i 12.12.2008 godine, izvezeno je iz BiH preko graničnog prelaza Klobuk za Crnu Goru i dalje preko luke Bar -bar je tako po papirima. Izvoznik je firma BNT-Novu Travnik. Kupac je AD Internešnl LTD Tortola sa Britanskih Djevičanskih Ostrva, zemlja odredišta Avganistan.*

*Od 16. Do 18.04.2010.godine, 22kamiona sa preko 2,5mil. Metaka izvezeno je preko Klobuka za luku Bar. Kupac je Limasol Kipar, zemlja odredišta Jemen. Papire za ove poslove izdalo je Ministarstvo spoljne trgovine i ekonomskih odnosa BiH.*

**PITANJA:**

- *Da li su ovi poslovi obavljani u skladu sa važećim zakonskim propisima?*
- *Zašto se ovi poslovi obavljaju preko luke Bar u Crnoj Gori, a ne preko luke Ploče?*

Na postavljeno pitanje, Savjet ministara Bosne i Hercegovine je na 130. godine, utvrdio sledeći

**ODGOVOR**

Zahtjevima za izdavanje izvoznih dozvola Ministarstvu spoljne trgovine i ekonomskih odnosa BiH obratili su se:

- "BNT-Tvornice mašina i hidraulike" Novi Travnik za izvoz minobacača 82 mm (iz redovne proizvodnje) u Avganistan za potrebe Nacionalne armije Avganistana (zahtjev br.1425/08 od 30.04.2008.godine).
- "Tehnički remontni zavod Hadžići d.d. " za izvoz municije 12,7mm i 14,5mm (dio neprespektivnog, zastarjelog i viškova, vojne opreme i ubojitih sredstava Oružanih snaga BiH) u Jemen za potrebe Ministarstva odbrane Republike Jemen (zahtjev br.1-1-1283/2009 od 03.12.2009.godine).

Uz zahtjeve je priložena sva dokumentacija potrebna za izdavanje dozvola. Nakon provedene procedure u skladu sa «Zakonom o uvozu i izvozu oružja i vojne opreme i kontrole izvoza i

uvoza proizvoda dvojne namjene» ("Službeni glasnik BiH", br. 05/03, 09/03, 14/05, 33/03, 14/05, 56/05 i 75/05) i dobivenih saglasnosti za izdavanje dozvola od ostalih ministarstava uključenih u proceduru izdavanja dozvola za izvoz naoružanja i vojne opreme (Ministarstva odbrane BiH, Ministarstva bezbjednosti BiH i Ministarstva spoljnih poslova BiH), Ministarstvo spoljne trgovine i ekonomskih odnosa BiH je izdalo dozvole.

Inspektorat Ministarstva spoljne trgovine i ekonomskih odnosa je proveo inspekciski nadzor u fabrikama koje su izvoznici navedene robe i ustanovio da je izvoz izvršen u skladu sa važećim propisima.

Odlukom Vijeća ministara o određivanju međunarodnih graničnih prelaza za promet naoružanja i vojne opreme, opasnih, eksplozivnih i radioaktivnih materija i sredstava dvojne namjene ("Službeni glasnik BiH", br. 89/06), određeni su međunarodni granični prelazi za promet roba u Bosni i Hercegovini preko kojih pravna i fizička lica mogu obavljati uvoz, izvoz ili provoz naoružanja i vojne opreme. Za međunarodni granični prelaz u drumskom saobraćaju određeno je šest prelaza i jedan o njih je Klobuk preko kojeg je izvezeno naoružanje i vojna oprema po navedenim dozvolama.

Zakonom o kontroli kretanja oružja i vojne opreme ("Službeni glasnik BiH", br. 53/09), uređuje se način i uslovi pod kojim se obavlja kretanje oružja i vojne opreme unutar Bosne i Hercegovine i kretanje naoružanja vezano za prelazak državne granice radi izvoza a proceduru izdavanja odobrenja za kretanje oružja i vojne opreme unutar BiH provodi Ministarstvo bezbjednosti BiH.

Ministarstvo spoljne trgovine i ekonomskih odnosa BiH prilikom izdavanja dozvole ne određuje kojom maršutom će se kretati transport i na kojem graničnom prelazu će roba izći iz zemlje.